

PHIAJ XWM NTHUAV DAV GUARDIAN PIPELINE G3

NTSIAB LUS


DT Midstream li Guardian Pipeline yog ib lub ntsiab kav xa roj ntsha uas tau ua hauj lwm zoo thiab muaj kev nyab xeeb los pab rau Cheeb Tsam Upper Midwest ntau caum xyoo los lawm. Nws thauj roj ntsha los ntawm cov chaw nruab nrab loj hauv Chicago mus rau lwm thaj tsam Cheeb Tsam Midwest uas tab tom loj hlob.

Guardian tau tswj hwm lub koob meej uas muaj zog, uas tau txais kev qhuas vim nws cov qauv tsim kho vaj tse uas tseem tshiab thiab cov kev tswj hwm kev ua hauj lwm zoo.

Raws li kev teb rau qhov kev xav tau, peb tab tom thov Phiaj Xwm Nthuav Dav G3 txhawm rau kom ntseeg tau tias muaj lub zog txaus thiab kev ntseeg tau rau Cheeb Tsam Midwest. Txoj Phiaj Xwm no tau txais kev txhawb nqa los ntawm 5 lub tuam txhab faib roj ntsha hauv zos uas tab tom ua hauj lwm kom ntseeg tau tias lawv tuaj yeem ua tau raws li cov kev xav tau ntawm lawv cov cheeb tsam uas tab tom loj hlob tau zoo. Thaum txoj Phiaj Xwm no pib siv tau, nws yuav ua rau Guardian lub peev xwm muaj ntxiv txog 537,000 Dth/d mus rau ntau qhov chaw xa khoom thoob plaws hauv lub tshuab kav xa roj ntsha.

GUARDIAN PIPELINE

A subsidiary of **DT Midstream**



COV HAUJ LWM NTAWM PHIAJ XWM

Phiaj Xwm Nthuav Dav G3 muaj xws li kwv yees li 68 mais ntawm cov kav xa roj txuas ntxiv (pipeline loop) tshiab, txhim kho ua ke mus tib seem nrog cov Guardian Pipeline txoj cai hla av (right-of-way) uas twb muaj lawm nyob hauv Illinois. Kev ua kav xa roj txuas ntxiv (pipeline loop) yuav txhim kho kev ua hauj lwm tau zoo thiab lub peev xwm ntawm cov kav xa roj ntsha uas twb muaj lawm los ntawm kev siv cov txheej txheem vaj tse uas twb muaj lawm uas txo kev ntxhov siab rau thaj av thiab kev cuam tshuam ib puag ncig.

Txoj Phiaj Xwm no kuj suav nrog kev ntxiv tshuab nias roj ntawm peb lub Chaw Nias Roj Joliet, thiab kev hloov kho tshuab nias roj ntawm Chaw Nias Roj Sycamore. Ib lub chaw nias roj (compressor station) tshiab thiab ib lub chaw ntsuas roj (meter station) tshiab yuav raug tsim nyob rau hauv Wisconsin.

Kav xa roj ntsha

- Joliet loop – kev txhim kho kwv yees li 42 mais ntawm kav xa roj txuas ntxiv (pipeline loop) uas muaj txoj kab uas hla 36-nti, hla ob ntu, ib sab ntawm Guardian cov kav xa roj ntsha uas twb muaj lawm hauv Nroog Kendall thiab Nroog DeKalb, IL
- Sycamore loop – kev txhim kho kwv yees li 26 mais ntawm kav xa roj txuas ntxiv (pipeline loop) uas muaj txoj kab uas hla 36-nti, hla ob ntu, ib sab ntawm Guardian cov kav xa roj ntsha uas twb muaj lawm hauv Nroog DeKalb thiab Nroog McHenry, IL

Cov Chaw Nias Roj

- Chaw Nias Roj Joliet – Kev txhim kho ob lub tshuab nias roj tshiab uas muaj tag nrho 22,220 nees zog nyob rau Nroog Will, IL
- Chaw Nias Roj Sycamore – Kev hloov kho tshuab nias roj kom muaj kev tso siab tau ntau ntxiv nyob rau Nroog DeKalb, IL
- Chaw Nias Roj Eden – Kev tsim ib lub chaw nias roj (compressor station) tshiab nyob rau Nroog Dodge, WI. Lub Chaw Nias Roj (compressor station) no yuav muaj ib lub tshuab 9,000 nees zog

Chaw Ntsuas Roj (Meter Station)

- Kev tsim ib lub chaw ntsuas roj (meter station) tshiab nyob rau Nroog Fond du Lac, WI

TXHEEJ TXHEEM KEV CAI

DT Midstream yuav koom tes nrog FERC thiab lwm lub koom haum tseem fwv teb chaws thiab xeev txhawm rau thov cov ntawv tso cai uas tsim nyog thiab ua kev tshuaj xyuas ib puag ncig kom ntxaws ua ntej pib kev tsim kho.

Lub Sij Hawm Ua Phiaj Xwm (yuav hloov pauv tau)

Lub Rau Hli 2026	Peb Lub Rooj Sib Tham Qhia Txog Cov Ntaub Ntawv Rau Sawv Daws
Lub Xya Hli 2026	Kev Ua Ntawv Thov FERC
Lub Rau Hli 2027	Thov Kom Muab Ntawv Tso Cai
Lub Cuaj Hli 2027	Kev Npaj Pib Tsim Kho
Lub Kaum Ib Hlis 2028	Lub Hom Phiaj Pib Ua Hauj Lwm

Ntawm DT Midstream peb saib ntsoov cov kev sib raug zoo uas peb tsim nrog cov zej zog uas peb nyob thiab ua hauj lwm rau. Peb tau cog lus rau kev ua hauj lwm mus ntxiv nrog cov neeg muaj feem cuam tshuam hauv zos txhawm rau ua kom ntseeg tau tias txoj kev tsim kho mus tau zoo thiab ua hauj lwm mus ntxiv.

COV TXIAJ NTSIG NTAWM PHIAJ XWM

DT Midstream tau cog lus rau kev ua hauj lwm nyab xeeb thaum ua kom muaj kev tso siab tau rau peb cov neeg siv khoom thiab cov zej zog uas peb ua hauj lwm rau. Guardian Pipeline tau xa kev nyab xeeb thiab ntseeg siab tau kev pab cuam roj ntsha thoob plaws Wisconsin thiab Illinois. Txoj Phiaj Xwm tau npaj los txhawb txoj kev loj hlob ntawm Cheeb Tsam Upper Midwest. Phiaj Xwm Nthuav Dav G3 yuav:

- Txhawb nqa kev ruaj ntseg ntawm hluav taws xob thiab kev txhawb nqa kev khiav hauj lwm hauv cheeb tsam ntawm Guardian kom ruaj khov.
- Nthuav dav txoj kab ke txhawm rau txhawb nqa qhov xav tau uas nce zuj zus thiab tsim cov txiaj ntsig tseem ceeb rau kev lag luam thoob plaws cheeb tsam.

Txoj Kev Tsom Ntsoov Rau Huab Cua

Cov tuam txhab hluav taws xob ntawm txoj phiaj xwm yuav siv Txoj Phiaj Xwm lub peev xwm los txhawb cov kev npaj tshem tawm kev tsim hluav taws xob los ntawm hlawv thee thiab txhawb nqa lawv qhov kev hloov pauv mus rau kev siv roj ntsha uas huv dua thiab cov peev txheej tauj dua tshiab.

TXIAJ NTSIG RAU KEV LAG LUAM

DT Midstream qhov kev nqis peev txog \$890 lab thoob plaws Illinois thiab Wisconsin qhia txog qhov kev cog lus tseem ceeb rau kev ua tau zoo tas li thiab kev loj hlob hauv cheeb tsam. Kev siv nyiaj rau cov khoom siv, kev tsim kho, thiab cov kev pab cuam uas cuam tshuam yuav tsim tau cov txiaj ntsig tseem ceeb rau kev lag luam.

Cov txiaj ntsig no yuav txhawb nqa kev loj hlob ntawm cov hauj lwm tsis ncaj qha thiab nthuav dav kev ua lag luam hauv zos.

Piv txwv li, cov nyiaj hli uas cov neeg ua hauj lwm thiab cov neeg cog lus tau txais yuav rov qab los rau hauv cov zej zog los ntawm kev siv nyiaj rau tsev so, zaub mov, kev pab cuam, thiab cov khoom siv txhua hnub-ncaj qha txhawb nqa cov lag luam hauv zos. Ntxiv mus, qhov nce ntawm cov se hauv lub xeev thiab cheeb tsam yuav pab txhawb cov kev pab cuam pej xeem uas cov tsev neeg thoob plaws ob lub xeev tau vam khom.

NTAUB NTAWV QHIA TXOG LUB TUAM TXHAB

DT Midstream tswj hwm ntau dua 3,800 mais ntawm cov kav xa roj ntsha thoob plaws teb chaws U.S. nrog kev pab cuam los ntawm ib pab neeg tshaj lij uas saib xyuas kev nyab xeeb thiab mob siab rau ua hauj lwm uas lawv nyob, ua hauj lwm thiab pab txhawb nqa hauv cov zej zog uas peb muab kev pab cuam. Yog tias koj xav tau cov ntaub ntawv qhia ntxiv txog txoj phiaj xwm no lossis lwm cov kav xa roj ntsha ntawm DT Midstream, thov tiv tauj rau peb:

Tus Xov Tooj Hu Dawb: 833-575-4049,
outreach@dtmidstream.com

Phiaj Xwm Nthuav Dav G3 lub vev xaib:
dtmidstream.com/ferc-project/G3/

Kev Tsim Hauj Lwm

Thoob plaws thaum muaj Txoj Phiaj Xwm no, txij xyoo 2025-2028, kwv yees li 7,399 txoj hauj lwm yuav tsim nyob rau hauv Illinois, thiab 414 txoj hauj lwm yuav tsim nyob rau hauv Wisconsin. Qhov no suav nrog cov hauj lwm ncaj qha xws li cov neeg ua hauj lwm nrog cuab yeej, cov kws hluav taws xob, thiab cov kws vuam hlau, thiab cov hauj lwm tsis ncaj qha uas tsim los ntawm qhov xav tau rau cov khoom muag thiab cov kev pab cuam hauv zos.

Qhov Cuam Tshuam Rau Kev Lag Luam

Peb qhov kev nqis peev hauv Txoj Phiaj Xwm yuav pab txhawb nqa \$1.58 txhiab lab rau Illinois qhov kev lag luam thiab \$181.6 lab rau Wisconsin qhov kev lag luam, suav nrog kev tsim tau \$562 lab thiab \$31 lab rau nyiaj hli ua hauj lwm, raws li qhov tau hais los saum no, txij xyoo 2025-2028.

Nyiaj Se Tau Txais

Txoj Phiaj Xwm yuav tsim tau kwv yees li \$167.8 lab rau Illinois thiab \$8.7 lab rau Wisconsin thoob plaws theem hauv zos, xeev, thiab tsoom fww teb chaws, txij xyoo 2025-2028.

DT Midstream txoj saw xa khoom (supply chain) ua lub luag hauj lwm tseem ceeb hauv kev ua tiav cov hauj lwm thiab kev ua hauj lwm txuas ntxiv ntawm peb Txoj Phiaj Xwm. Yog xav nug txog Cov Neeg Muag Khoom/Txoj Saw Xa Khoom (Supply Chain), peb txhawb kom koj tiv tauj rau:

Jennifer Carver – Tus Thawj Coj, Cov Kev Pab Cuam Rau Tuam Txhab Tus

Email: Jennifer.Carver@dtmidstream.com

Xov tooj hu ncaj qha: 313-774-3174